

九江府志

重修九江府志序



癸酉春予奉

簡命分巡是邦見夫廬阜葱鬱  
江水滌洄竊幸靈秀所鍾  
人文淵藪洵為江右名區  
公餘輒披閱九江前志朱

勳捐郡伯承觀察任醴渠  
之意聘名進士曹芸緝司  
其事自康熙癸丑至嘉慶  
戊寅百四十年来糾復變  
遷之故不可勝數其間宜  
補宜續宜博辨而訂正者

無不犁然各當噫何其盛也乃自髮匪倡亂大江南北多為賊陷而九江受害尤烈所幸壘吏大帥敵愾同仇而殘敝之區重秀再清風景仍舊但久遭兵燹

志乘殘闕板帙蕩然矣適劉大中丞關心文獻通飭各郡縣及時修輯志乘以備會纂而九江太守達君進修與德化鄭孝廉夢良商榷重修府志聘諸在籍

名宿參互考訂凡山川之  
形勢人物之菁華與乎忠  
孝節烈德行道藝之卓  
者炳、麟、視前志尤加  
詳備予以公事旁午未暇  
時加參考而詳覽體例悉

遵省頒新章無濫無遺刻  
既竣請序於予以文詞  
謏陋何足以弁簡端惟念  
躬逢盛舉又幸與此邦人  
士共觀厥成因書此以紀  
盛并以貽後之官斯土者

欽加按察使銜分巡廣饒九南  
兵備道督理九江關稅務  
管理窑廠兼辦通商事宜  
暨州沈保靖序



重修九江府志序

郡縣之有志猶國之有史體具而微者也九江志自戊寅重修後五十年来人物之挺生事蹟之興革纂輯洵非易事作志者固未敢輕操不律矣洪維

皇上初基運際上元甲子金陵克捷東南底平兩江督臣迺取歷年来

九江府志

采訪局所網拾之忠義節孝諸事畧請付史館立荷

恩綸凡史館論撰而外吾階蔭子旌坊皆有差於鏢式洵足攬一世之風俗人心運以鼙鼓軒舞者矣由是各直省畫臣咸思宣

上德而盡忠孝同時議纂通志江右行省

劉大中丞屢牒十四府州各蒐舊  
乘奉新知以効禪讓草創之  
用余適來守是邦奉檄開局  
因得汎覽一郡掌故以韓宣適  
魯獲觀書太史氏見魯春秋焉  
竊怪九江為郡荆揚接畛吳楚  
交衝雖洞庭之九江聲名於夏  
壽春之九江分郡于秦趙蠶之

九江假借傳會於新莽言若人々  
殊然沾沾經生家所習辨而非今  
日守土葺志之奔務所當亟也  
夫語定亂于承平已久之後應  
安難而求敷治於中興大有造之  
年守經亦不易九江古稱形便  
莅斯土撫斯民鏡往察來山川  
城郭因敢恃險毋虞也學校桑

農罔或有奉輒廢也昔奮武今  
揆文司牧之利權罔罅厥職也  
明取賢顯彰德鄉人之好惡罔  
淆于真也况死書羽檄未嘗乏  
高文典冊之華小說虞初亦或  
供殫見洽聞之助就陳篇而補  
苴罅漏張皇幽渺其立於字里  
在斯乎是編經始於壬申孟冬

告成于癸酉季冬列綱十附目  
五十四萃五邑之羣策羣力  
質其成於

大中丞而未知於

國家維風俗正人心之微旨不相差  
謬否也是為序

同治十二年癸酉季冬月

知九江府事達春布識



孟子論諸侯封國之制曰不百里不足以守宗廟之典籍是以典籍爲首事也三代之後如杞如宋皆不足徵克存之者惟魯而已如春秋之季僖桓之宮猶有禮書御書象魏之藏故當時以儒書秉禮之邦稱之孔子論政俗則曰魯一變至於道論禮樂則曰吾舍魯何適矣於是取魯史筆之削之立爲百王不易之大法向使魯無所藏則聖人亦無從而案之也秦雖焚滅詩書而圖籍亦藏於府中漢之所以得王天下者實是之賴而不專於馬上也九江本吳楚二國之地秦改爲郡漢封黥布爲九

九江府志

卷首

原序

一

江王而名始著地數百里古諸侯之大國也附庸之邑有五擅廬阜之高挾鄱湖之險匯江漢之深山川之秀實甲於他郡是以人物之生其地者陸續之孝六歲而稱陶潛之節千載以仰陳兢之義十八世而同居寓其地者豪邁如李謫仙放逸如史北海固閒世人也而道喪千載覺我後人則又有如宋之周夫子焉至若仕其地者漢灌嬰宋均晉陶侃庾亮唐狄仁傑白居易宋呂誨岳飛余崇龜魏了翁之輩皆章章在人耳目者典籍具存生者其秀之孕寓者其秀之感仕者其秀之合也惜乎元政不綱李忠文公支一木以扶大廈之顛而不克後遂爲僞漢

陳友諒所據盧炤赭山毒流赤水甚於祖龍之時正詩所謂周  
餘黎民靡有子遺也尙何典籍志記之足守哉我太祖高皇帝  
破友諒定九江在辛丑之歲於茲蓋百二十餘年矣生理漸復  
人文漸興將有如昔之時而無與爲景仰者於是因政之暇命  
儒官搜集五縣志於殘失之餘而手自校集刻梓以示於世傳  
疑傳信俾生於斯寓於斯仕於斯者各夷考其實而師法之以  
無負是地山川之秀則所謂一變而至道者不有於斯籍乎於  
乎攷據不精遺漏或甚自愧學識之疎也然百年墜典一朝舉  
焉亦難矣後之繼筆者取以爲傳案未必無一助協成是事同

九江府志

卷首

原序

二

寅楊公琰吳公經也

舊志序二

明宏治 年

楊守祉

治有務不知務曰盲盲則民欺不能務曰懦懦則民侮知之能  
之而不肯務曰怠怠則民玩盲非學不明懦非勇不立怠非誠  
不勵世之爲治者民欺焉侮焉玩焉曰民之梗果梗乎抑盲乎  
懦乎怠乎學明於中勇行於外誠守於久而致治之職盡矣吾  
於九江太守童侯之爲治而論及此太守古諸侯之職卽漢宣  
帝所謂與我共理天下之二千石也若我國家尤重其選選於  
內必下大夫之賢也選於外必州牧守之尤也侯以名進士先

守直隸祁州以能績聞當亡遷今職於九江將踰六年矣九江  
江右要衝之地以土則瘠以民則寡以政則繁以俗則敝侯爲  
之一二年之後野無不毛之地市無無告之人庭無不直之獄  
城隍高之深之壇社崇之飭之祀事豐之潔之治署新之擴之  
學校興之復之人材作之起之衢道修之平之輿梁成之固之  
材需公羨力役時暇土不知其瘠民不知其寡政不知其繁俗  
不知其敝也六年猶三年也三年猶一二年也謂九江之民不  
欺不侮不玩非也欲欺欲侮欲玩之而不得也侯之學有以明  
其務而勇有以行之誠有以久之也今年述職京師謂余曰九

九江府志

卷首

原序

三

江入我國朝版籍殆百二十餘年郡之典籍志記無一之足徵  
詎非缺典乎吾分符其地搜檢殘餘之中得志一集卷凡十四  
目凡十條凡七十子我鄉之文宗也蓋爲我序之余曰志卽史  
也史者記事之書侯之心蓋欲記古人所務之事考今日所務  
之事也於乎以侯之心推之而但可守九江一郡矣乎

舊志序三

明嘉靖六年

楊一清

國有史郡有志志以述事事以藏往藏往以知來是故文獻足  
徵焉勸戒不惑焉夫志史之翼也君子參伍以通其變小人法  
守以修其業由俗以出政省方以立教不出書契而知天下者

稽之志而已矣九江地界荆揚當楚之衝據金陵上游歷代爲重鎮郡故有志廣陵何君棐以憲副飭兵於茲懼故志歲久殘廢且多所疑謬釐而新焉質之載籍咨之見聞芟繁理亂搜隱析微而疑者信謬者正殘廢者修矣志成請予序之予觀其書秩而有倫約而弗遺其事覈其文質而瞻或發凡以舉要或緯圖以法象體國經野以爲民極故首之以郡域封山濬川使同貫利故次之以山川設官分職則地利可盡而民不失業故次之以宦蹟政平治理則教化敦而賢才興故次之以人物辨方正位以居民也故次之以宮室蒐乘補卒以備不虞故次之以

九江府志

卷首

原序

四

兵衛兵足則民附民附而後可以時遊觀節勞佚也故次之以古蹟存古者莫若衛其園陵故次之以陵墓異教非經也創之自古昔今不能廢故又次之以寺觀該古今之變綜事物之情者莫若文字故次之以詩文終焉凡風俗之因革制度之隆汙食貨之盈縮賦役之繁簡下至溝塗津梁倉庫遺逸纖悉畢究往者存焉來者考焉故曰文獻足徵而觀戒不惑可以觀可以興矣何君之涖九江也期而報政曰武備飭矣廩庾實矣膠庠作矣百度貞矣獨志弗稱耳抑何以示久遠且稽古者之責也君初爲御史覈 功四川遷南京太僕少卿改按察副使所至

有聲蹟斯志也蓋政成而後作焉君子又以其爲政之知所先後也志凡若干卷主之者何君始舉其事者知府東君漢旣而任其事者知府馮君曾其相成之者同知姜君輅也

舊志序四

嘉靖六年

李 汎

古者列國必有史官掌記時政後世郡邑雖非封國之比然得專祀社稷山川之神儼然古諸侯也豈可無紀述邪廣陵篤齋何公以南京太僕寺少卿改江西按察司副使奉勅飭兵九江公餘稽古嘗以舊志遺謬爲缺典郡守東侯漢曰此某責也方欲舉行而有南昌之調茲馮侯曾繼之慨然以此爲爲政之所

九江府志

卷首

原序

五

先迺請於公遣聘幣至鏡山屬余秉筆終其事焉余何人斯而敢當此辭至再公手教益堅於是幡然曰匡廬在念久矣茲顧沮邪遂乘舟下石門越浮梁至番之芝山驛風雨交作意又索然頃之篤齋公舟適至遂挈以往豈非數合有此行邪經都昌舍舟而輿凡二百里抵九江城所謂匡山彭蠡鹿洞濂溪諸名勝皆獲親歷平生幽抱愜矣慰矣竊心語不知何以副公所委之萬一邪明日馮侯與郡貳姜君輅節推張君得麟設宴開局文士畢集鄉宦則行人王君汝賓鄉舉則柳子邦傑陳子守仁何子貫陳子必升陳子守信庠彥則劉徽黃獻歐陽國光王用

余文獻又延莆田逸士葉綸共分硯席對讀則儒士羅緯於凡訛者正之遺者補之畧者詳之不經者刪去之而又條具而例合之邑分而郡總之故予得因羣力以爲力取衆長以爲長兩踰月而告成焉謹序於末曰自昔方輿有志有圖所以資政治也非但備遺忘廣見聞而已蓋記田賦而知公歛之厚薄因物產而知民生之豐儉察宦蹟而知吏治之得失論人物而知士習之浮正俗尙之澆醜至若興學校以明禮義表忠節以勸風化嚴祀典以敬鬼神與夫據形勝飭兵防以備四方之警舉可按圖而知然則志之繫於治體不亦重且大哉雖然斯志也非

九江府志

卷首

原序

六

篤齋公力主之馮侯克成之姜張二君輔翼之一時清才遠識德侔而道合言聽而氣同則予以病夫退叟亦惡得掛名圖牒與青雲諸君子分尺寸之功於千里之外也哉

舊志序五

明天啟甲子年

陸夢龍

九江志纂自童守潮嘉靖初何兵備棐再修之今覓潮志不得桑子木紀廬山事引舊志俱可觀不知卽潮志耶抑宋元間固有之耶李汎序何志謂舊志遺謬屬汎正而補之而何志之謬爲自來所未有宦表列梁元帝直云王繹湘東人桂陽王休範云王休範桂陽人元次山曾寓灤谿而謂生於瑞昌王子純以

武功顯而列之文苑皇甫元晏安定人謝康樂陽夏人而傳之  
人物二程兄弟侍周茂叔於南安而綴之流寓胡旦狀元及第  
者渤海人而合之德安諸如此類瞑目而不見邱山者九十餘  
年於此其後人邇事續無撰著相傳說能言之者益寡蓋文獻  
之闕久矣余篋中書旣前汨於彭澤南州鬱儀家多藏書富腹  
笥質以古事鬱儀爲手較而授之邇事則稽於衆及所佚見鄉  
先生傳爲烈出其所覩記乃衷焉人從傳傳從正史事從宜風  
俗山川文物先後營建之蹟從所不誣而槩廣之間有舊志所  
載無稽無詢始姑仍之知其不無誤也余手所拮据起癸亥冬

九江府志

卷首

原序

七

日越三月甲子春志成序曰夫志文獻則其徵者是以因革爲  
大以張四維勸懲爲大機宜洞於識而窺繁熟於嘗假人之口  
以知之而假人之手以宣之而以爲行乎止乎盈乎縮乎通乎  
塞乎此已窮於癢而人窮於搔癢也非官師莫宜此矣夫華袞  
人之所榮也榮人者溢焉斧鉞人之所創也創人者嗛焉諛無  
如顯飾無如幽黠無如文濫無如市徇無如面則余皆所不敢  
鬱儀名謀璋爲烈名宏祖翼以有成則德化令蕭上達

舊志序六

本朝順治十八年

胡宗虞

禹貢九江故荆揚二州之境春秋爲吳楚地秦改郡漢封黥布

爲九江王而名益著面匡廬挾彭蠡山川之秀實甲他郡予戊戌秋濫竽九江司理甫八境見室廬灰燼古蹟蒼涼慨焉興歎而傷今昔之殊觀及徵郡志久事鬱攸雖欲修輯其道無由十一月卽有輯瑞之役不克稽違事採遺聞越明年三月陞辭南旋便道還毘陵摛諸藏笥得九江舊志數卷爲予兄翼在司權關時所寄因攜之任於退食之暇間從刪補字板謬誤殊不耐觀予攷志之所自昉於宏治初年太守童潮命六學儒官纂輯一十四卷嘉靖六年廣陵何斐以憲副飭兵九江續緝一十六卷曩翼在所貽固何志也踵童之舊而修飾之功缺焉

九江府志

卷首

原序

八

是以弗澤於雅也今年夏五予將較讐何志付之剞劂適潯士柯生以陸公夢龍新志相質予觀輿地食貨諸小序俱英英逼古卽名人選述亦多所節畧刻於天啟四年洵稱九江良史予以名宦合諸職官兵防附諸建置獨刪事宜者以事有宜於昔而不宜於今也若乃藝文爲是邦人文所聚詩有陶謝李杜文有歐蘇張朱忠讜之言苑爲內編仙釋之錄哀成異采志記竊比春秋文辭可追爾雅故藝文較陸志有加勒成二十二卷上之中丞張公以備採風逸乘焉其有功郡志者例宜並書另表姓氏以垂不朽



舊志序七

本朝康熙十二年

江殷道

君子以經世勵俗爲任綜數百年之民物風教操筆而衷其是則必尙嚴而恥同然而有遠近之殊焉蒐討舊章糾駁前疑易於嚴而難於核龍門家世史官猶誤闕止爲子我廬陵五代史劉壯輿多摘其譌謬聽遠者聞疾不聞舒烏焉成馬勢使然也至於耳目傳述之相接田夫蕘童所能言者可謂核矣而詘壓有嫌廋匿有故如孫盛諸子私改晉春秋袁虎東征賦被脅陶公子甚者黨同而伐異清文而濁質把豐狐射奇貨往往然也故不特國史載近代是非紛紜靡定卽郡邑志較有難焉者欲九江府志

卷首

原序

九

志之作而傳傳而信得乎今

聖天子大復古詢茲黃髮以爲周官小史 邦國之志外史掌四方之志志者誌也使輶軒所采不貢於冊府何以周知天下之故廼

詔春官牒直省開局延儒纂成通誌諸州邑誌統於郡諸郡誌上於道司院部至重鉅也余官守九江嘗詢其故乘自陸而溯至於何又溯至於童年愈久則愈疎郡司李蘭陵胡君續修於順治辛丑而後自甲子以來三十年一郡五邑之事蹟犁然具備當時宿老操觚羣英彙帙編摩論次之功 不勤矣哉夫何

立十二年之後以指十二年之前猶蚤暮 卽有詘壓瘦匿如  
前所云者當奈何賴鄉大夫文燈巖黃雷岸兩先生海內推爲  
靈光文獻余不敏承龍邱任棠之益蓋亦有年以余敦請輒命  
駕山中旣適館致饗涓吉分曹爰質所疑於兩先生則毅然曰  
夫興利而除弊獎正而斥邪者長吏事也長吏之事君子嫌於  
近之爲其濡迹而召毀雖然此邦埆瘠徼福於大夫甚厚今大  
夫行古之道而以世俗之暱近者相齟切也其又何嫌乎遂與  
張子威諸子載筆纂修勿徇勿猥摹其蕭稂攻其壘類閱兩月  
而志成凡十八卷補遺核實其書盡而不汙直而不肆一本春

九江府志

卷首

原序

十

秋太史之法前此之漶漫者踳駁者皆藉是爲功臣雖與匡阜  
潯江高深俱永可也獨是余授事且三霜曠蒞示褻岐穗蔑紀  
卽籲蠲請賑除荒屯興洞學諸事兢兢奉職掌告無過而已其  
何述之有兩先生則以爲避名而諱功者曲士咫尺之誼非大  
儒經國之道昔闕宮作則頌之越州救災則紀之韓重華修屯  
則序之皆著令典爲後世法豈私其人哉然余終不敢自居也  
惟與諸鄉先生期成一郡之信史俾後君子採擇焉

舊志序八

本朝康熙十二年

文德翼

謹按秦分天下爲三十六郡卽有九江郡矣漢因之然考漢書

九江所統濶遠微與今不合或者謂江州爲九江殆非也晉渡江荆揚爲巨鎮疑外重割兩鎮數屬郡立爲江州或寓治豫章或寓治武昌無常所是九江特江州一郡非主名或者又謂尋陽爲九江抑非也穀梁曰水以北爲陽九江背尋江宜名尋陰不宜名尋陽宋書柳元景統薛安都等十二軍發湓口武陵王駿發尋陽是二地也九江有湓口不知尋陽所在憶讀竹書紀年記周康王十八年巡狩九江之廬山今水簾泉尚名康王谷則九江以廬山爲表識斷可知矣禹貢釋文烏白江蚌江烏江嘉靡江畎江源江廩江提江箇江爲九江殊汙漫不可辨已

九江府志

卷首

原序

十一

今天下同文大修郡志甚盛舉也太守漢陽江公繆以命不佞翼典其事翼壯不如人今老矣家無藏書舊聞放失循古以來官師人士絕不能貫珠編貝以信於來茲固辭不允乃薦剡同郡名雋碩儒鬪分局異各任一條閱月始成德翼補苴隙漏塗易訛謬不能萬一謹獻於公公博物高文橫絕一代董狐司馬精於取裁然愚以爲九江立郡以來稱循良者莫最宋叔庠均叔庠渡虎不如公之賑荒蠲屯也凶歲且不爲灾况虎乎叔庠投巫不如公之興學造士也異教且不爲害况巫乎九江三省參會水陸俱衝車蓋樓船應接不暇萑苻伏莽搜剔亦艱公

食委蛇或結交陶白於異代徜徉湖中或進訪永遠於二林興  
寄方外悠閒自適紆徐爲妍更成此書垂之久遠凡千里之興  
除與百代之因革如觀理於掌上如聚米於目前可謂詳慎矣  
德翼僅一書記弭不律供隄糜以從事朝夕爲役曾無一勞復  
次第其事列序於公後惟有慚惶而已

舊志序九

本朝康熙十二年

黃雲師

九江志成於順治辛丑今再修者何遵

新令也辛丑距今方一紀所成志亦可以應

令而必再修者何蓋念鞠使君之慎也春秋所載有見有聞有

九江府志

卷首

原序

十二

傳聞遠之則畧而近之則詳遠之則疎而近之則親乃子輿氏  
論春秋獨以文歸史後之說者至謂游夏不能贊余竊意定哀  
之際史官書未敢遽出一二十年間事孔子未嘗不採諸游夏  
其文率自作不出於史何則以其近而見之最親且詳也就潯  
志論百餘年中凡四修童何二志不可知會稽陸公則明云古  
事咨朱鬱儀邇事咨傅爲烈而胡公近志其條目諸小序十九  
皆屬余具藁然紀錄自操獻徵未廣近蹟尤多缺如無他局未  
開而聚議無地旁求狹且固而考訂無人也使君慎之矣臺檄  
下卽攬結詞英肅掃蕭寺高齋以延學士設醴以虔申公卽余

窺啟鮮聞繭依巖岫亦招致而寄以東里之責於時人挾靈珠  
思欲以長自見編摩揚權焚膏繼晷兩閱月而志已成例稟中  
州詞無溢美繇陸志到今其事其人率纖悉具載昔蔚宗作史  
以十志委謝儼永叔子京修唐書亦分註所紀古人敬重史事  
類如斯也夫史有三長而郡國之史尤濡染於耳目或筆或  
惟使君是正茲不具論乃余獨謂吾儒立功因事以見使君下  
車事遇荒則功在賑救遇屯則功在清蠲其他端不可枚舉  
新令修志亦綜理微蜜視前政尤隆重一切臨事不敢苟然以  
應必盡善乃已以故事至而功以立若斯志見一斑耳假令淵  
明而在馬隊校書之詩可不作焉

九江府志

卷首

原序

十三

舊志序十

本朝康熙十二年

張秉鉉

九江郡志在明有太守童公潮憲副何公斐及陸公夢龍彼三  
公者精心考覈紀載無餘洵良史矣但編自前朝而繼此者不  
具焉我

國家大鼎初定司李胡公宗虞重修之兵燹之餘大抵亦從三  
誌而筆削已耳夫山川形勝固有定勢而時之兵防不一丁徭  
田賦固有定數而時之增減不一職官守令固有定位而時之  
裁設不一土俗人才固有定分而時之盛衰不一邱陵創建固

有定在而時之廢置不一騷人墨士固有定體而時之風氣不一使不爲之搜羅往昔延攬近今何以成一代之文獻備一朝之典章也哉茲奉

簡命纂修通志接古續今甚盛舉也若九江蕞爾一區足備職方之載輶軒之採者固自無多然控荆引越襟帶江湖形言之亦重鎮也丁僅二萬六千有餘戶田僅一萬二千有餘頃而漕艘則充宿衛關權則裕司農徭賦言之亦劇邑也語職官捍難如灌睢陽如温太真撫字如少室如懷英如司馬香山語人才節如元亮義如伯宣理學如濂溪巍科如伍如馬香山語人

九江府志

卷首

原序

十四

至廬山秀甲天下擇勝棲遲登臨託志者往往不乏矧

景運方新人康物阜鍾靈蔚起之秋乎郡守江公念鞠先生楚國名賢海內鉅望蒞任未一載穰饑告糴建學課農無不以國計民生爲己任值督撫藩司修纂之命下卽日備供具擇館局徵聘文君鐙巖黃君雷岸兩先生學具史才猶以獨任爲嫌乃委責於合郡諸多士鉉何人斯敢當是役惟是偕諸同志旣已分彙專司又復互相參訂而監修則學博閔子諱傑書成正之文黃二先生然後上於念鞠江公論定可否爲兵防者若何爲增減者若何爲裁設者若何與爲盛爲衰爲廢爲置爲低昂者

又若何行必展其幽微言必採其蘊實一一疏畫將以補童何數公之闕者庶幾其有當也夫

舊志序十一

本朝嘉慶二十三年

任蘭祐

九江之名昉自禹貢然今之九江非昔之九江也山海經洞庭之山在九江之中則九江卽洞庭也秦以潯陽爲九江郡潯陽今黃梅於是說者以鄂陵之九水爲九江鄂陵今武昌縣新莽時以潯陽分屬廬江而以豫章爲九江郡豫章無九江也於是說者又以入彭蠡之九水爲九江此今之九江所以異於禹貢而並不同於秦漢也嘉慶乙亥余奉

九江府志

卷首

原序

十五

簡命分巡是邦覽其山川北則長江環抱南則廬阜旁礴綿亘南迤西則合饒撫吉南贛建昌臨江袁筠南康數州之水而瀦爲彭蠡卽傳會者所指之九水以爲九江者也因求郡志讀之不可得詢之守土者則以前志修於康熙癸丑迄今百餘年板燬而書亦盡矣夫潯於歷朝爲重鎮古今險易所改移民情風土所變遷以及名臣循吏之所以表著而維持者百餘年紀載缺如其何以徵文獻而揚郅治哉明年朱君勳楣來守郡言之與余見同而德化令鄒君藜齋亦以所得舊志來呈於是捐金設局俾五邑之士採訪披羅各輸助以成其事增刪去取編纂

體例則延耆宿以專其任閱十餘月志成太守及諸令尹請序於余余於是揖而進之言曰郡邑之志卽周官之五物所以周知天下之故凡欲致之於民非第資考據矜博洽已也士君子學古入官皆期有用於世然不知天地寒煖燥溼廣谷大川之異制民生其間者之異俗則園枿方鑿有遷地而弗能爲良者矣是志旣賴諸君共成之吾願今之與吾共守此土按圖考籍修其教不易其俗齊其政不易其宜凡所措置廢興因革一以有裨於斯地斯民爲意則是書爲有用之書至於某山某水名字之得其審爲古爲今沿革之知所自又其末焉者矣是爲序

九江府志

卷首

原序

十六

舊志序十二

本朝嘉慶二十三年

朱 榮

漢志廬江郡下載尋陽南有九江東合爲大江章懷太子引釋慧遠廬山記證之而九江郡則別行今九江治廬山峙其南江水橫其北則是尋陽治而非昔之九江郡矣宋均傳均爲九江太守郡多虎豹均去檻穽虎相與東游渡江舊志引爲此郡事實不知此九江乃壽春遂適之郡非尋陽之九江也事不核實因襲多訛非有地志曷克稽歟郡縣志惟李吉甫元和志最爲近古若王存之元豐九域志樂史之太平寰宇記歐陽忞之輿地廣記雖加詳而體駁矣近代康海修武功縣志削地志繁濫



之例以山川城郭古蹟宅墓併入地理以官署學校津梁市集併入建置以祠廟寺觀併入祠祀藝文用吳郡志例散附各條之下書只七篇較之袁桷延祐四明志子欽齊乘之嚴整有過之無不及也蓋修志之法考輿圖也必悉而核叙沿革也必盡而詳善善從其長惡惡誅其隱體務大思務精毋徇私毋偏執信者傳信疑者傳疑後之讀其書者可以爲據若顧亭林號稱博雅其修濟南志猶以李姓一人兩載爲譏甚矣其難也予於嘉慶丙子秋自瓊州守量移是邦下車詢賢士大夫郡縣之本末山川奇異風俗所由多未能悉舉舊志又漫漶磨滅不可讀

九江府志

卷首

原序

十七

於是慨然爲士大夫倡設局重修勒爲新志自慚學殖荒落加以案牘之冗不得肆力於此聘是邦之通古今者采護舊聞考迹詩書推表山川以綴禹貢周官春秋下及歷代輿圖地志之書於丁丑三月開局閱明年書成凡三十卷自康熙癸丑至今一百四十餘年中軼事悉續載之其有年遠不可考者仍從闕疑之例而舊志體例間有未協復參酌更正折衷一是昔顏師古云中古以來說地理者或解釋經典或撰述方志競出新異穿鑿附會頗失其真是書之成有如師古所言耶抑不如師古所言耶善善惡惡之得其允傳信傳疑之存其真耶然後之人

峩然見廬山之高悠然觀江水之深其間名臣循吏逸士高人  
何可勝道而仰遺徽於曩哲溯往事於傳聞取是書而徵之則  
亦未嘗無補也是爲序

舊志序十三

本朝嘉慶二十三年

李鴻賓

昔江文通有言曰作史莫難於志志蓋史體也范書十志劉昭  
病其疎略補之陳承祚以志名書而卒無志歐陽五代史志易  
爲考自是史家不言志而郡邑諸乘遂皆據其名然周禮誦訓  
掌道方志外史掌四方之志郡邑有志殊古焉雖其體與史異  
而首布以圖次編以類自方輿建置諸大端以迄藝文紀事之

九江府志

卷首

原序

十八

屬靡不臚列而析載之蓋非史而實史也且足備國史所採錄  
事固非眇眇者矣吾潯郡爲東南一大都會山則盤鬱而岿蕘  
水則滢洄而渟澈育靈孕秀人之彬蔚能文者出焉貞固有守  
者出焉倣儻具大幹濟者出焉是烏可以不志郡舊有志歷百  
四十餘年幾刊敝不復識其中有所宜補者宜續者宜博辨而  
訂正者丁丑春 觀察任公醴渠 太守朱公勳楣耦意紬輯  
聚鄉先生而謀之稽星野覬地輿攬撫子史逸說網羅金石古  
文葩婁流傳老儒宿記耳剽心識以欣旁參偈偈然更再寒暑  
不少怠厥功偉哉予於上秋服闋赴都莫獲襄事今年夏膺

簡命巡撫東粵道經本郡適功甫蒞讀其書圖則瞭然而眉列也類則秩然而派分也沿革疆域諸端風俗物產之屬釐然而銖兩平煥然而日星炳也其所補若吳傑之補兩漢陶岳之補五代也其所續若蕭常之續范書郝經之續陳志也其所博辨而訂正若蘇子由古史之辨馬遷劉知幾史通之正班氏也蓋一志也天地之大古今之異無不明風土之別人物之宜無不著禮樂制度之精日用見聞之細無不晰且詳辨而不華直而有體不溢美不詭詞不阿好休哉大乎洵非史而實史也方今聖天子統楫羣元括囊四海窮陬絕壤俗盡成書他日採風至九江府志

卷首

原序

十九

郡掇其芳行懿蹟貢入史冊是大有光於潯郡也信乎其基諸此矣因綴言簡端以紀盛云

九江府志修纂銜名

鑒定

頭品頂戴兵部侍郎

兼都察院右副都御史巡撫江西等處地方提督軍務糧餉兼提督軍門碩勇巴圖魯

劉坤一

峴莊湖南甯優廩生

曰講起居注官翰林院侍講學士 南書房行走提督江西學政

李文田

仲約廣東德己未探花

光祿寺卿隨帶加四級提督江西學政

許庚身

星叔浙江塘壬戌進士

江西承宣布政使司布政使振勇巴圖魯

劉秉璋

仲良安徽江庚申翰林

布政使銜江西提刑按察使司按察使總理驛傳事務

李文敏

捷峯陝西鄉壬子進士

江西督糧道分巡南撫建地方兼管水利驛務

王必達

霞軒廣西桂癸卯舉人

江西鹽法道分巡瑞袁臨地方兼管水利驛務

吳兆麟

筠軒浙江塘壬辰舉人

九江府志

卷首

銜名

按察使銜分巡廣饒九南兵備道督理九江關

稅務管理窑廠兼辦通商事宜

沈保靖

品蓮江蘇陰戊午舉人

道銜前署廣饒九南兵備道南昌府知府

許應鏞

星臺廣東禹癸丑進士

主修

九江府知府

達春布

進脩滿洲黃旗官學生

與修

知府銜九江府江防軍捕同知

德馨

心泉漢軍藍旗官學生

運同銜德化縣知縣

陳鼐

南村四川蓬溪監生

同知銜調署德化縣瑞昌縣知縣

冷鼎亨

鎮洛山東遠乙丑進士

同知銜德安縣知縣

沈建勳

郁齋浙江紹興監生

同知銜署瑞昌縣知縣

周振銳

子英河  
固始廩貢

同知銜調署湖口縣知縣

張興言

希齋浙江  
湖州監生

知州銜署彭澤縣知縣

陳文慶

小棠順天  
大興監生

監修

同知銜儘先選用知縣九江府儒學教授黃先鐸

覺夫南昌武  
甯優廩生

九江府儒學訓導

郁霖森

子班吉安  
安福附生

協修

翰林院待詔銜候委教職

徐熾暉

小齋南昌奉  
新廩貢生

總理

九江府志

卷首

銜名

一一

同知銜揀選知縣覺羅官學漢教習

鄭夢良

弼臣德化  
己酉舉人

總纂

運同銜前任安徽繁昌縣知縣

黃鳳樓

五雲德化  
壬辰進士

五品銜前署山西沁水縣知縣

歐陽燾

九雲彭澤  
癸亥進士

分纂

挑取膳錄揀選知縣

黃術之

紹周德化  
甲子舉人

揀選知縣

劉士譽

萃臣德化  
甲子舉人

揀選知縣

夏允中

小松德安  
丁卯舉人

候選教諭

燕蘭徵

子佩德安  
恩貢

揀選知縣大挑二等

周泰寓

己未階瑞昌人

優廩生

胡邦彥

昌廩夫瑞生

揀選知縣四班通選教職

梅建廈

壬戌林湖口舉人

保舉訓導

楊以勳

優廩心田湖口生

揀選知縣

劉樹棻

庚午堂彭澤人

保舉訓導

丁聖祥

優廩紫庭彭澤生

督梓

文章

許詩遐

德福田

九江府志

卷首

銜名

三

九江府志卷首

凡例

一省志局通行條例凡十綱五十四目與潯郡戊寅舊志不相符今舊志有而新目中所無者悉依綱附載舊文編亦各從其類遵新式仍可考舊章也

一省志式多與戊寅郡志名異實同之處如地理卽萬輿野卽分野形勝卽形勢壇廟卽典禮分見公廨卽公署田賦卽田產倉儲卽積貯漕運卽屯田關榷卽關稅學宮包崇祀兼廟祀分見兵制卽兵防名宦卽宦蹟名臣宦業理

九江府志

卷首

凡例

一

學儒林文苑卽人物合志忠義孝友卽孝義合志善士卽各縣志篤行郡志人物分見寓賢卽僑寓經部史部子部集部文徵金石卽藝文分見塋墓卽邱墓祥異軼事卽紀事今式從新而文錄舊覽者不必另作史通費班馬異同之考

一事經兵燹恐卷帙浩繁宜於事增文省舊志職官一條於新式宜刪者今在郡文職照舊全抄武職自鎮台至守備非駐郡城者不錄各縣止載縣尹及兩學其巡檢典史城守把總外委無官守於郡城但宜詳之各縣志外若通

判推官照磨知事檢校司獄大使等員雖奉撤而姓名則不能不仍舊登載蓋升調靡定其宦績有不著於此而著於彼者備誌之以資互考且不掃其舊巢痕云

一卷帙過於煩重剗劂維艱今議山川條之非高山大川寺觀條之非叢林古剝水利條之未登課額津梁條之不達通衢縣志既仍其詳郡志可從其簡就中擇要而芟蕪後之尋陳迹者不難於邑乘中窺生豹也

一舊志典禮食貨列之職官選舉後似於建置學校不相聯絡今照新式食貨列在建置之次典禮無專條其廟祀內

## 九江府志

### 卷首

凡例

二

文廟 崇聖祠采入學宮各廟祀壇祀墓祀采入壇廟慶賀講約鄉飲酒禮采附學制後鄉賓耆壽采入鄉舉條附耆儒貢生後至婚冠喪服等制原屬通例非切指一郡所行儘可考之 大清會典 大清律諸書茲奉頒行采訪事宜無庸贅及

一 人物志舊志統舉人物惟另標節義年遠似難於確切品題今按各縣前志已有分者合概遵新式分目采收續編從之班固古今人表統三代上下尚各求位置則茲編猶若近數螺紋矣



一 人物志內列女條照舊志例改歸簡潔其事跡特異者用  
雙行小注亦限以四行期免繁冗其非四行所能盡固不  
必拘然不宜過於鋪張揚厲惟以男冠女稍與新奉文式  
未符查本郡戊寅前志係仿雍正八年通志例今仍之

一 藝文志經史子集別部等著作或已散見人物各列傳者  
可以互考若有著述而不必立傳所著必用特書文徵條  
下仍照舊志文賦詩等目依類采收其記序詩文爲形勝  
古蹟留題已經縣志收入各條下者照舊府志例不必另  
摘金石已經縣志采得者登之外此俟考

九江府志

卷首

凡例

三

一新式條目有舊志所無及近訪亦不備者如理學隱逸之  
類倘各縣採訪未得不妨但存其名以待後來

一 藝文以備徵考必有關於此郡山川風俗利弊因革者然  
後載入卽如匡廬爲數郡鎮山題詠最夥而九江止轄匡  
北凡寫匡南及泛寫廬山者自有廬山志在舊志已從刪  
汰至文章一事亘千古而彌光若當代所流傳恐啜點與  
揄揚均難恃爲定論凡本郡人現前珠玉概不及登

一 是書所稱舊志對本屆新修而言專指戊寅年重修告成  
之志也其卷內有引用胡志江志而未經指明統以舊志

爲文者今概加戊寅前舊志字樣以別之兼照前志加續  
編字以界畫之庶不淆於今昔之感

一新舊文內凡遇 恭避字應照科場則例或用代字或加  
偏旁或缺筆避寫卷首行書某府志頂格次行標綱低一  
格標目低二格本文俱頂格其雙抬三抬字謹遵 四庫  
全書體式另行頂格單抬字行內空一格分註低一格具  
有定式分修繕稿時卽如式發謄以免開雕或妄災梨棗

九江府志目錄

卷首

新序 舊序 銜名 凡例 目錄 繪圖

上諭

卷一

地理志

星野

卷二

疆域

九江府志

卷首

目錄

一

卷三

沿革

卷四

山川  
形勝附

卷五

水利

卷六

津梁

卷七

古蹟  
坊表附

卷八

風俗

卷九

物產

卷十

建置志

城池

卷十一

九江府志

卷首

目錄

一一

壇廟  
墓祀附

卷十二

公廨  
試院附  
京師試館附

卷十三

寺觀  
育嬰堂  
養濟院  
漏澤園附

卷十四

食貨志

戶口

卷十五

田賦 額征蠲緩附

卷十六

倉儲

卷十七

漕運

卷十八

驛鹽

卷十九

關權

九江府志

卷首

目錄

三

卷二十

學校志

學宮

名宦鄉賢各祠附

卷二十一

學制

學額學田附 慶賀講約鄉飲酒禮附

卷二十二

書院

社學小學義學講堂射圃附  
冒考冒捐案由附

卷二十三

武備志

兵制

卷二十四

武事

卷二十五

職官志

文職

卷二十六

武職

卷二十七

九江府志

卷首

目錄

四

名宦

卷二十八

選舉志

薦辟

卷二十九

進士

卷三十

鄉舉

五貢耆儒武甲科附  
鄉賓耆壽五代同堂附

卷三十一

仕籍  
武階附  
封蔭授職例貢附

卷三十二

人物志

名臣

卷三十三

宦業

卷三十四

理學

卷三十五

九江府志

卷首

目錄

五

儒林

卷三十六

文苑

卷三十七

忠義

卷三十八

孝友

卷三十九

善士

卷四十

隱逸

卷四十一

方伎

卷四十二

列女

卷四十三

寓賢

卷四十四

九江府志

卷首

目錄

六

藝文志

經部

卷四十五

史部

卷四十六

子部

卷四十七

集部

卷四十八



別部

卷四十九

文徵

卷五十

金石

卷五十一

雜類志

仙釋

卷五十二

九江府志

卷首

目錄

七

瑩墓

卷五十三

祥異

卷五十四

軼事

舊志史事附

卷末

舊跋

舊修銜名

新修捐輸總目新跋



九江府志

卷首

圖 九江府屬總圖境

# 繪圖



九江府志

卷首

圖 德化縣境圖

一一





九江府志

卷首

圖

德安縣境圖

三



德安縣圖



九江府志

卷首

圖

瑞昌縣境圖

四






九江府志

卷首

圖 湖口縣境圖





九江府志

卷首

彭澤縣境圖

六





九江府志

卷首


廬山境圖

七









九江府志卷首

上諭

雍正元年

聖諭湖口地方要緊

知縣朱奇政恭紀堂額

雍正九年五月初四日

御製祭劉鎮寶文

皇帝諭祭死事文臣雲南烏蒙府通判加贈雲南按察使司僉事劉鎮寶之靈曰烈士成仁齎志而歿忠臣報國捐軀以從爾鎮寶矢志忠貞服官敬慎值賊氛之起變勵臣節以彌堅臨難不屈甘心殞命朕用悼焉特頒祭典以慰幽魂爾如有知尙克歆享

乾隆三十年

御書靈昭江嶼

額懸彭澤小孤山天妃廟

咸豐八年八月二十六日奉

上諭曾國藩等奏湖口九江建立祠宇請飭地方官春秋致祭一摺著照所請所有江西湖口石鐘山上建立水師昭忠祠九江府城建立塔齊布祠現在將次工竣卽着各該地方官照各府昭忠祠之例春秋致祭以褒忠節該部知道欽此

咸豐八年十月奉

上諭李續賓着加恩追贈總督陣亡例賜卹並著於湖北江西安徽及湖南湘鄉本籍各建專祠等因欽此

九江府志

卷首

上諭

二

